

## AUGLÝSING

59

20. marz

### um árlegan kennslutíma í Kennaraskóla Íslands.

Með skirskotun til 1. gr. laga nr. 50 14. apríl 1943, um Kennaraskóla Íslands, er hér með ákveðið, að árlegur kennslutími í kennaraskólanum skuli vera 8 mánuðir að meðtöldum þeim tíma, sem varið er til prófa.

Föstum kennurum skólans er þó skylt að starfa þar að auki einn mánuð við rannsóknir í kennslugreinum sínum, kennslu á námskeiðum, samningu námsbóka, eða að öðrum þeim verkefnum í þágu stofnunarinnar, er skólustjóri og yfirstjórn skólans ákveða hverju sinni, enda skulu laun hinna föstu kennara skólans miðast við 9 mánaða starfstíma.

Fyrirmæli þessi öðlast gildi 1. apríl 1945, og falla samtímis úr gildi öll ákvæði, er brjóta í bága við þau.

*Menntamálaráðuneytið, 20. marz 1945.*

**Brynjólfur Bjarnason.**

*Birgir Thorlacius.*

## AUGLÝSING

60

23. marz

### um árlegan starfstíma Gagnfræðaskólans í Reykjavík.

Árlegur starfstími Gagnfræðaskólans í Reykjavík, þ. e. kennslutími og sá tími, sem fer til prófa, skal vera 8 mánuðir. Þó má kennslutíminn aldrei lengri vera en 7½ mánuður, sbr. niðurlag 4. gr. laga nr. 48 19. maí 1930, um gagnfræðaskóla.

Laun fastra kennara skólans miðast við 8 mánaða starfstíma á ári.

Fyrirmæli þessi öðlast gildi 1. apríl n. k.

*Menntamálaráðuneytið, 23. marz 1945.*

**Brynjólfur Bjarnason.**

*Birgir Thorlacius.*

## REGLUGERÐ

61

25. marz

### um veitingaskatt o. fl.

#### 1. gr.

Greiða skal í ríkissjóð 10% skatt af söluverði matvara, drykkjarvara og annarra neyzluvara, sem seldar eru í gistihúsum, kaffihúsum, matsölustöðum, kókubúðum og öðrum stöðum, sem almenningur á aðgang að, undir þaki í tjaldi eða undir beru lofti.

Skattskyldan tekur til veitinga í klúbbum, félagsheimilum og samkomuhúsum tiltekinna félaga og annarra áþekkra samtaka, ef veitingar á þessum stöðum fara fram að staðaldri. Séu veitingar á þessum stöðum einungis haldnar við einstök tækifæri, t. d. vegna afmælis félags, og tækifærisveitingar þessar eru aðeins fyrir félag, konur þeirra og börn, eru veitingar þessar þó skattfrjálsar.

61 25. marz Þá tekur skattskyldan til veitinga í heiðurssamsætum, sem fara fram á fyrrgreindum veitingastöðum, og veitingar á sömu stöðum í brúðkaupum, afmælisveizlum, fermingarveizlum og þess háttar.

Vindlar, vindlingar, sælgæti og aðrar slíkar vörur, sem seldar eru á veitingastöðum, teljast til skattskyldra neyzluvara.

## 2. gr.

Undanþegið veitingaskatti er:

1. Matvörur og aðrar neyzluvörur, sem ekki eru seldar til neyzlu á staðnum, en sendar eru eða látnar í té frá veitingastað til neyzlu utan veitingastaðar.
2. Veitingar handa starfsmönnum við fyrirtæki þau, sem skattskyld eru, hvort sem þær eru seldar eða látnar af hendi endurgjaldslaust.
3. Fæði, enda sé hver fullkomin máltíð eigi seld hærra verði en kr. 5.50. Þessu verði getur fjármálaráðuneytið breytt með auglýsingu. Því aðeins er um fullkomna máltíð að ræða, að framreitt sé: Tveir réttir matar, bæði súpu- eða grautarréttur og kjöt- eða fiskréttur, eða heitur réttur með „köldu borði“, enda sé hver réttur ekki minni en almennt tíðkast um sams konar rétti eða rétti af svipuðu tagi. Til þess að um svokallað „kalt borð“ sé að ræða, verður að vera framreitt nægilegt brauð og minnst fimm tegundir áleggs.

Nú er framreitt með hinum tveimur réttum eða „kalda borðinu“ með heita réttinum ábætir, kaffi eða annað þess háttar, og telst þetta þá allt ein máltíð og reiknast í einu lagi til skatts.

4. Mjólk og skyr, sem eigi er selt með meira álagi en 25% frá útsöluverði á staðnum.
5. Mánaðarfæði, sem eigi er selt hærra verði en leyft er eftir verðlagsákvæðum á hverjum tíma. Undanþáguákvæði þetta kemur því aðeins til greina, að manni sé selt fæði heilan mánuð eða lengur. Sé um skemmri tíma að ræða, er salan skattskyld, enda eigi framangreind undanþáguákvæði ekki við.
6. Veitingasala á skipum til farþega, sem eigi eru komnir á ákvörðunarstað.

Undanþágur samkvæmt 1.—5. lið hér að framan eru því skilyrði bundnar, að í bókhaldi veitingasala, framtalsskýrslu hans og fylgiskjölum þeim, sem henni skulu fylgja, séu færðar þær sannanir á hina skattfrjálsu sölu, sem tilgreindar eru í reglugerð þessari, sbr. 5.—7. gr. hennar, og sé því í bókhaldinu, í framtalsskýrslunni og í fylgiskjölum þeim, sem henni ber að fylgja, hin skattfrjálsa sala ekki tilgreind á fyrirskipaðan hátt, sbr. 5.—7. gr., eða ef vanrækt er að senda með framtalsskýrslunni skjöl þau, sem henni ber að fylgja, telst öll sala veitingastaðarins skattskyld.

Ef vafi er um það, hvort tiltekin veitingasala sé skattskyld, skal þegar skriflega leitað úrskurðar ráðuneytisins um það, en meðan málið er undir úrskurði, skal veitingasalan talin skattskyld. Í erindinu til ráðuneytisins skal tilgreina öll þau atriði, sem ætla má að máli skipti um skattskylduna, en þar til má nefna:

- a. Hvar veitingafyrirtækið sé og heimilisfang þess.
- b. Nafn og heimili eiganda og stjórnanda, ef stjórnandi er annar en eigandi.
- c. Hvers konar reksturinn er.
- d. Tegund söluvarnings.
- e. Hvort atvinnan sé rekin allt árið eða takmarkaðan tíma af árinu og þá hversu lengi.
- f. Tala og stærð veitingaherbergja.
- g. Fjöldi borða og sæta handa gestum.
- h. Fjöldi starfsmanna við frammistöðu og í eldhúsi.

Nú er leitað úrskurðar ráðuneytisins, eins og hér er gert ráð fyrir, og skal þá

afhenda erindið hlutaðeigandi innheimtumanni veitingaskatts, en honum ber að senda ráðuneytinu erindið, ásamt umsögn sinni um málið.

61  
25. marz

Innheimtumenn veitingaskatts eru:

Í Reykjavík tollstjóri, í öðrum kaupstöðum bæjarfógetar, sýslumenn í sýslum og sérstakir lögreglustjórar þar sem þeir eru.

Lögreglustjóri í Reykjavík skal tilkynna tollstjóranum þar tafarlaust um alla þá, er veitingaleyfi kaupa, og borgarfégeti um alla þá veitingasala, sem látast eða verða gjaldþrota. Einnig eru embættismenn þessir skyldir að tilkynna það tollstjóra, ef þeir af einhverjum ástæðum loka eða láta loka veitingastað, og eins þegar leyft er að opna veitingastaðinn að nýju.

Ráðuneytið getur, ef nægar ástæður eru fyrir hendi, undanþegið veitingaskatti veitingasölu, sem rekin er í góðgerðaskyni fyrir almenning.

### 3. gr.

Áður en byrjað er á starfsemi, sem veitingaskatt ber að greiða af, skal eigandi slíkrar starfsemi tilkynna hlutaðeigandi innheimtumanni veitingaskatts skriflega um starfsemina og tilgreina í tilkynningunni þau atriði, sem nefnd voru undir a.—h. í 3. málsg. 2. gr. þessarar reglugerðar. Þá skal eigandi hafa komið bókhaldi starfseminnar í fyrirskipað form, sbr. 5. og 6. gr. hér á eftir, áður en starfsemin byrjar.

Hætti starfsemi, sem skattskyld er, eða breyti um starfshætti, eigendur, stjórnendur eða heimilifang, ber að tilkynna það tafarlaust skriflega innheimtumanni skattsins.

Nú er byrjað á veitingastarfsemi og eigandi eða forstjóri hafa vanrækt að tilkynna það áður, og skal þá greiða sekt fyrir hvern dag, sem veitingastarfsemi þessi er rekin án þess að vera tilkynnt, allt að 50 kr. Fyrir brot á öðrum ákvæðum þessarar regningar skal hinn brotlegi sæta allt að 1000 kr. sekt.

### 4. gr.

Allir veitingasalar, sem greiða skulu veitingaskatt, eru skyldir að halda bækur um rekstur sinn, og skiptir ekki máli í því sambandi, þó að þeir séu ekki bókhaldsskyldir samkvæmt lögum nr. 62/1938, um bókhald.

### 5. gr.

Veitingasalar, sem ekki eru bókhaldsskyldir eftir lögum nr. 62/1938, skulu færa þrens konar bækur um reksturinn. Frumbækur um nokkurn hluta hinnar skattfrjálsu sölu, sbr. það sem segir hér á eftir undir A, innkaups- og kostnaðarbók og sölubók. Frumbækurnar skulu vera þríritunarbækur með áframhaldandi tölusetningu, en innkaups- og kostnaðarbókin og sölubókin skulu vera í því formi, sem sýnt er á fylgiskjali 1 og 2, og skulu þær vera löggiltar af innheimtumanni veitingaskattsins áður en þær eru teknar í notkun, en ráðuneytið lætur prenta sérstakar bækur undir innkaups- og kostnaðarbókina og sölubókina, og verða bækur þessar hafðar til sölu hjá innheimtumönnum skattsins. Um bækurnar gilda þessar reglur:

#### A. Frumbækurnar.

Færa skal í bækur þessar:

- a. Upphæð sérhverrar greiðslu fyrir mánaðarfæði, sbr. 5. lið 2. gr., fyrir hvaða tímabil sé greitt, greiðsludag og nafn þess, sem greiðir.
- b. Magn, tegund og verð sérhverrar neytluvöru, sem er seld hverjum starfsmanni, sbr. 2. lið 2. gr., söludag og nafn þess starfsmanns, sem fær vöruna.

- 61 c. Magn, tegund og verð sérhverrar neyzluvöru, sem látin er út frá veitingastað,  
25. marz söludag og nafn þess, sem varan er seld.

Frumrit frumbókareintaksins fær hlutaðeigandi viðskiptavinur, annað eintakið skal í lok hvers mánaðar sent til skattheimtumanns með tilkynningu þeirri, sem um ræðir í 7. gr. reglugerðar þessarar, og þriðja eintakið skal vera eftir hjá veitingasala. Skylt er að færa í frumbækur, þó að um staðgreiðslu sé að ræða.

### B. Innkaups- og kostnaðarbók.

Í þessa bók skal færa:

- öll innkaup á vörum til fyrirtækisins;
- kaup starfsfólks;
- húsaleigu, ljós og hita;
- vexti og
- annan kostnað og aðrar greiðslur frá veitingafyrirtækinu.

Færa skal nákvæmlega í bókina verð hverrar vöru og upphæð hvers kostnaðarliðs og greiðslu, nafn seljanda eða viðtakanda greiðslu, tegund og magn vara eða um hvers konar annan kostnað eða greiðslu er að ræða o. s. frv. Halda skal eftir og geyma með innkaups- og kostnaðarbókinni alla reikninga og kvittanir, sem greiddar eru. Fylgiskjöl þessi skulu tölusett og skal vísað til þeirra í innkaups- og kostnaðarbókinni, og þau síðan geymd í réttri töluröð. Allar greiðslur frá veitingafyrirtækinu, þar með taldar allar staðgreiðslur, skulu færðar í innkaups- og kostnaðarbókina sama dag og þær eru inntar af hendi.

Innkaups- og kostnaðarbók skal vera að minnsta kosti sex dálka bók og skal færa hana eftir fyrirmynd, sem fylgir reglugerð þessari, fylgiskjal nr. 1. Hún skal að minnsta kosti lögð saman eftir hvern mánuð og niðurstöðurnar af hverjum dálki tilgreindar, en sé þetta gert daglega, skal í lok hvers mánaðar gera yfirlit í bókina um niðurstöðurnar á hverjum innkaups- og kostnaðardálki fyrir sig frá hverjum afgreiðsludegi.

### C. Sölubók.

Í bók þessa skal færa:

- Fjöldi og verð fullkominna máltíða, sem seldar eru á kr. 5.50 eða fyrir lægra verð, sbr. 3. lið 2. gr.
- Magn og verð mjólkur og skyrar, sem selt er með 25% álagi eða minna, sbr. 4. lið 2. gr.
- Verð þess mánaðarfæðis, sem selt hefur verið samkvæmt frumbókum.
- Verð þeirra neyzluvara, sem samkvæmt frumbókum hafa verið seldar starfsmönnum.
- Verð þeirra neyzluvara, sem seldar hafa verið út samkvæmt frumbókum.
- Verð og magn sérhvers annars söluvarnings en að framan greinir, t. d. hversu margir vindlingapakkir eru seldir á hverjum degi og við hvaða verði, hversu margir vindlar, öflöskur, sítrónuvatnsflöskur og verð hvers um sig, hversu margar kaffiafgreiðslur, hversu margar sneiðar af smurðu brauði, bautaréttir o. s. frv. og verð hvers um sig. Undir þessum lið skal ekki færa þann varning, sem færður hefur verið í frumbækur og talinn hefur því verið undir framan-greindum liðum.

Halda skal eftir og geyma með sölubókinni alla afgreiðsluseðla (kupona) og aðra slíka seðla, sem notaðir eru við afgreiðsluna, hvort sem þeir eru skrifaðir eða koma frá sérstöku áhaldi. Seðlarnir skulu tölusettir og sendir til innheimtu-

manns skattsins í lok hvers mánaðar með tilkynningu þeirri, sem um ræðir í 7. gr. 61  
reglugerðar þessarar.

25. marz

Öll sala og önnur afhending skal færð í sölubókina að minnsta kosti sama dag og salan eða afhendingin fer fram, svo að greinilega sjáist sala eða afhending hvers dags. Ber að bókfæra allt, sem selt er eða látið af hendi án tillits til þess, hvort greiðsla fer fram samdægurs Vísla skal til frumbókarnúmera um þær sölur, sem færðar eru í sölubókina úr frumbókunum.

Sölubókin skal vera að minnsta kosti sex dálka bók og skal færa hana eftir fyrirmynd, sem fylgir reglugerð þessari, fylgiskjal 2. Eftir hvern afgreiðsludag skal bókin lögð saman og niðurstöður af hverjum dálki tilgreindar, en í lok hvers mánaðar skal gera yfirlit í bókina um niðurstöðurnar frá hverjum degi á hverjum dálki fyrir sig.

### C. Sameiginlegar reglur um bækurnar.

Eigi má rita með blýanti í innkaups- og kostnaðarbókina eða í sölubókina. Þá má ekki skafa út eða gera á annan hátt með ásetningi ólæsilegt það, sem eitt sinn hefur verið skráð í frumbækurnar, innkaups- og kostnaðarbókina eða sölubókina, eða rita ofan í skriftina, svo að ólæsilegt verði það, er áður stóð, enda þótt fyrst hafi misritast af vangá. Þurfi að gera breytingar á því, sem eitt sinn er ritað, skal strika það út, án þess að ólæsilegt verði, en rita leiðréttinguna milli lína eða á spássíu, eftir því sem bezt hentar.

Eigi má rífa eða á annan hátt losa blöð úr innkaups- og kostnaðarbókinni eða sölubókinni.

Bækurnar og fylgiskjölín með þeim, skulu geymd í 5 ár frá því síðast er ritað í bækurnar, eða fylgiskjölín voru móttækin eða gefin út, nema lög um bókhald mæli öðruvísi fyrir.

#### 6. gr.

Þeir veitingasalar, sem bókhaldsskyldir eru eftir lögum nr. 62/1938, um bókhald, skulu færa frumbækur um þau atriði, sem nefnd eru í 5. gr., og á þann hátt og í þeim tilfellum, sem þar segir. Þá skulu þeir að öðru leyti færa bókhald sitt þannig, að þar komi greinilega fram öll þau atriði, sem færð skulu í innkaups- og kostnaðarbókina og sölubókina. Allar greiðslur, sölur og aðrar afhendingar skulu færðar að minnsta kosti sama dag og þær fara fram. Allir reikningar og kvittanir, sem greiddar eru, skulu vera fylgiskjöl með sjóðbókinni eða sjóðdagbókinni, sem fyrirskipuð er í fyrrnefndum lögum nr. 62/1938. Sama gildir um afgreiðsluseðla (kupons) og aðra slíka seðla, sem notaðir eru við afgreiðsluna, hvort sem þeir eru skrifaðir eða koma frá sérstöku áhaldi. Seðlarnir skulu tölusettir og skal halda sér seðlunum frá hverjum degi og þeir geymdir þannig:

#### 7. gr.

Í lok hvers mánaðar, og í síðasta lagi innan 7 daga frá mánaðarlokum ber veitingasala að senda innheimtumanni skattsins tilkynningu í því formi, sem sýnt er á fylgiskjali 3, um samanlagða veitingasölu í mánuðinum, og skal tilkynning þessi undirrituð af eiganda eða stjórnanda. Með tilkynningunni skulu fylgja eftirrit af öllum frumbókarfærslum í mánuðinum, svo og allir afgreiðsluseðlar (kupons) og aðrir slíkir seðlar, sem notaðir hafa verið við afgreiðsluna í veitingasölunni í mánuðinum. Samkvæmt tilkynningunni ber veitingasala að greiða veitingaskattinn eigi síðar en 7 dögum eftir að tilkynningin má í síðasta lagi vera send eða með öðrum orðum fyrir 15. dag næsta mánaðar eftir að veitingasala fór fram. Ef veit-

**61** ingasali greiðir ekki veitingaskattinn innan þessa gjalddaga, ber honum að greiða 2% í dráttarvexti fyrir hvern mánuð, sem greiðslan dregst fram yfir nefndan gjalddaga.

Veitingasalar, sem bókhaldsskyldir eru eftir lögum nr. 62/1938, um bókhald, skulu senda hlutaðeigandi innheimtumanni veitingaskatts yfirlitsreikninga þá, sem um ræðir í 10.—12. gr. nefndra laga nr. 62/1938 (efnahagsreikning og kostnaðarreikning), og skulu reikningar þessir sendir í síðasta lagi 1. apríl í Reykjavík, en annars staðar í síðasta lagi 1. maí. Aðrir veitingasalar skulu fyrir sama tíma hafa sent innheimtumanni veitingaskattsins rekstrarreikning veitingasölnunnar fyrir næstu ár á undan, og skal rekstrarreikningur þessi vera í því formi, sem sýnt er á fylgiskjali 4.

Innheimtumenn veitingaskatts geta þó jafnan krafizt þess, að rekstrarreikningar fyrirtækjanna séu sendir í lok hvers ársfjórðungs.

#### 8. gr.

Innheimtumenn veitingaskatts hafa eftirlit með rekstri skattskyldra veitingastaða, en í því efni hafa þeir rétt til þess að framkvæma nákvæmt eftirlit með öllum skattskyldum veitingastöðum og að rannsaka bókhald þeirra. Geta þeir krafizt þess, að bækurnar séu afhentar þeim til eftirlits, ásamt fylgiskjöllum, þegar ástæða þykir til. Forstöðumenn og aðrir starfsmenn á veitingastöðum eru skyldir að láta í té nauðsynlega aðstoð og upplýsingar við eftirlitið.

Innheimtumaður hefur rétt til þess að krefjast upplýsinga um veitingasölu og annað, sem snertir rekstur fyrirtækisins, af hverjum starfsmanni þess, og enn fremur þeim, er vörur selja eða önnur viðskipti hafa við veitingasölnuna.

Nú felur fjármálaráðuneytið sérstökum mönnum eftirlit með framkvæmd veitingaskattslaganna, og skulu þeir þá hafa sama rétt og innheimtumenn samkvæmt 1. og 2. mgr.

Þeim, sem eftirlit og innheimtu hafa á hendi samkv. reglugerð þessari, er bannað, að viðlagðri ábyrgð samkvæmt ákvæðum almennra hegningarlaga um embættis- og sýslunarmenn, að skýra óviðkomandi mönnum frá því, er þeir kunna að komast að sökum starfs síns um efnahag og rekstur veitingasala.

#### 9. gr.

Ef bækur þær, sem færðar skulu samkvæmt ákvæðum reglugerðar þessarar, ásamt fyrirskipuðum rekstrarreikningum, eru ekki færðar eða þær eru rangt færðar, eða ef hinar mánaðarlegu tilkynningar eru rangar eða ekki sendar skattheimtumönnum, skal viðkomandi veitingamaður greiða sekt, sem er allt að tíuföld sú skattupphæð, er tapast hefur við vanrækslu hans, og auk þess greiða hinn vantalda veitingaskatt. Ef ekki er hægt að sjá, hve undandráttur skattsins hefur unnið miklu, skal innheimtumaður áætla hann.

Ef það sannast, að framangreind brot eru gerð með ráðnum hug og í sviksamlegum tilgangi, má sektin nema allt að 20000 kr. eða dæma má hinn brotlega í allt að 6 mánaða varðhald.

Öll brot gegn reglugerð þessari, sem ekki eru ákveðin sérstök viðurlög og refsing fyrir hér að framan í þessari grein, í 3. gr. eða í 7. gr., varða 100—1000 kr. sektum, og allt að 5000 kr. sektum, ef um endurtekin brot er að ræða. Nú hafa brot þessi valdið skatttapi, og fer þá um sektir eftir því, sem við verður komið og greiðslu vangoldins skatts svo sem segir hér að framan.

## 10. gr.

Hegningarákvæðum reglugerðar þessarar ber að beita gegn eigendum eða stjórnendum veitingastarfseminnar. Nú sannast, að afgreiðslufólkið eða aðrir þeir, sem vinna við veitingastarfsemina, eru meðsekir í brotum gegn reglugerð þessari, og skal þá hver hinna brotlegu starfsmanna einnig greiða sekt, sem nemur  $\frac{1}{5}$  hluta af sekt þeirri, sem brotið varðar.

61

25. marz

Greiðist sektir ekki, ber að innheimta þær með aðför að lögum.

Nú innheimtist sektin ekki, þrátt fyrir aðför að lögum, og má þá láta hvern þann, sem dæmdur hefur verið til þess að greiða sektina, afplána hana lögum samkvæmt.

## 11. gr.

Með mál út af brotum gegn reglugerð þessari skal farið sem almenn lögreglu-mál.

## 12. gr.

Innheimtumenn veitingaskatts skulu færa sérstaka bók um innheimtan veitingaskatt og kallast bók þessi veitingaskattsbók. Ráðuneytið leggur bók þessa til og löggildir hana. Í henni skal tilgreina eftirgreind atriði:

1. Nafn greiðanda.
2. Heimili hans.
3. Veitingasölu alls.
4. Skattfrjálsa sölu.
5. Skattskylda sölu.
6. Upphæð veitingaskattsins.
7. Greiðsludag.

Tilkynningar þær, sem um ræðir í 7. gr., skulu fylgja veitingaskattsbókum til endurskoðunar, ásamt rekstrarreikningum þeim, sem þar um ræðir.

## 13. gr.

Allir veitingasalar skulu í síðasta lagi 1. maí 1945 hafa komið bókhaldi sínu í það horf, sem fyrirskipað er í reglugerð þessari.

Með reglugerð þessari er úr gildi numin reglugerð nr. 64/1933 og nr. 120/1933, um veitingaskatt o. fl.

Reglugerð þessi, sem sett er samkvæmt 17. gr. laga nr. 99/1933, um veitingaskatt, öðlast þegar gildi og birtist til eftirbreytni öllum þeim, sem hlut eiga að máli.

*Fjármálaráðuneytið, 25. marz 1945.*

**Pétur Magnússon.**

*Magnús Gíslason.*

## 61 Fylgiskjal 1.

25. marz

## Innkaups- og kostnaðarbók.

Fylgiskjal nr.	Dagsetning		Mjólk og skyr	Tóbak, öl, gosdrykkir, kaffi og sykur	Aðrar keyptar vörur	Kaup, húsa-leiga, ljós, hiti og vextir	Keypt húsgögn og áhöld	Annar kostnaður og greiðslur
		Júlí 194.....						
1	1/4	Keypt hjá Sigurði Jónssyni 30 kg ýsa á kr. 0.85 kílóíð .....						
2		— — Grænmetisverzl. 350 kg sk. kartöflur á kr. 32.25 sekkurinn ....			25.50			
3		— — Mjólkursamsölunni 35 kg skyr á kr. 2.16 kílóíð .....	75.60		96.75			
4		— — Mjólkursamsölunni 50 litr. mjólk á kr. 1.45 literinn .....	72.50					
5		— — Tóbakseinkasölunni 1000 pk. Lucky Strike á kr. 2.72 pakkinn .....		2720.00				
6		— — Ölgerðinni Ingólfur 1000 fl. bjór á kr. 0.62 flaskan .....		620.00				
»		— — Ölgerðinni Ingólfur 500 fl. pilsner á kr. 0.62 flaskan .....		310.00				
»		— — Ölgerðinni Ingólfur 500 fl. appelsín á kr. 0.48 flaskan .....		240.00				
»		— — Ölgerðinni Ingólfur 500 fl. grape fruit á kr. 0.48 flaskan .....		240.00				
7		— — Heildverzl. Sigurðar Jónssonar 100 kg brennt og malað kaffi á kr. 6.00 kílóíð .....		600.00				
8		— — H.f. Skjöldur 3 45.3 kg sk. sykur á kr. 51.95 sekkurinn .....		155.85				
9		— — G. Bjarnason og Jónsson 2 50 kg sk. hveiti á kr. 0.84 kílóíð .....			84.00			
10		— — Sláturfél. Vesturlands 30 kg nautakjöt á kr. 7.50 kílóíð .....			225.00			
11		Greitt Sigríði Jónsdóttur kaup fyrir júní ..				450.00		
12		— Guðrúnu Sigurðardóttur kaup fyrir júní				450.00		
13		Greidd Jóni Björnssyni húsaleiga fyrir júní				1500.00		
14		Greiddur rafmagnsreikningur fyrir júní ...				275.00		
15		Greiddur hitaveitureikningur fyrir júní ...				130.00		
16		Greiddir Jóni Sigurðssyni 7% ársvextir af skuldabréfi, útgefnu til hans 1. júlí 194 .....				525.00		
17		Keyptir hjá Húsgagnaverzl. Eik 5 stólar kr. 150.00 stóllinn .....					750.00	
18		Greitt sama fyrir viðgerð á borði .....						34.00
19		Greitt Ingibjörgu Bjarnadóttur fyrir hreingerningu .....						173.00
20		Keyptir hjá Verzl. Bára 1 pottur á kr. 81.00 og 1 panna á kr. 43.00 .....					124.00	
		Greiddslur 1. júlí 194 samtals kr.	148.10	4885.85	431.25	3330.00	874.00	207.00



## Fylgiskjal 2.

## Sölubók.

61

25. marz

Fylgiskjal nr.	Dagsetning	April 194.....	Fullkomnar máltíðir á 5 kr. eða minna	Mjólk og skyr með 25% álagi eða minna	Mánaðar fæði	Veitingar seldar starfsmönnum	Veitingar seldar út	Aðrar seldar vörur
1—23	1/4	Seldir 23 hádegisverðir (tómatsúpa og lambasteik) á kr. 5.50 .....	126.50					
24—37		Seldir 14 lítrar af mjólk á kr. 1.81		25.34				
38—73		Selt 7 kg skyr á kr. 3.00 .....		21.00				
74—78		Greitt mánaðarfæði samkvæmt frumbókarnótum nr. 37, 42, 43 og 44			1200.00			
		Samkvæmt frumbókarnótum nr. 39 og 40 selt starfsstúlkum .....				19.50		
79—80		Samkvæmt frumbókarnótum nr. 38, 40 og 41 seldar 23 smurðsbrauðsneiðar á kr. 2.00 .....					46.00	
81—100		Seldir 19 kvöldverðir (heitur réttur og kalt borð) á kr. 6.00 .....						114.00
101—118		Selt 18 molakaffi á 1.00 .....						18.00
119—126		Selt 8 te á 1.00 .....						8.00
127—200		Seldir 73 bjórar á 1.35 .....						98.55
201—223		— 23 pilsnerar á 1.35 .....						31.05
224—238		— 14 grapefruitdrykkir á 1.00 .						14.00
239—256		— 17 appelsindrykkir á 1.00 ..						17.00
257—268		— 12 bautaréttir á 5.25 .....						63.00
269—285	Selt egg og kartöflur á 4.00 .....						64.00	
286—304	Seldir 18 ísbúðingar á kr. 1.00 ..						18.00	
305—332	Seldir 27 pk. Lucky Strike á kr. 3.78 .....						102.06	
333—386	Selt 53 kaffi og kökur .....						132.50	
		Salan 1. apríl 194 samtals	126.50	46.34	1200.00	19.50	46.00	680.16

## 61 Fylgiskjal 3.

25. marz

## Tilkynning um veitingasölu.

Nafn veitingafyrirtækis ..... Veitingasala í ..... 194..

		Kr.	au.
Veitingasala alls .....			
Par frá dregst skattfrjáls sala:			
1. Neyzluvörur samkvæmt meðfylgjandi ..... frumbókarnótum seldar út, sbr. 1. lið 2. gr. reglugerðarinnar*) .....			
2. Neyzluvörur samkvæmt meðfylgjandi ..... frumbókarnótum seldar starfsmönnum, sbr. 2. lið 2. gr. rgj.*) .....			
3. .... fullkomnar máltíðir fyrir kr. 5.50 eða minna, sbr. 3. lið 2. gr. rgj. ....			
4. .... litrar mjólkur með 25% álagi eða minna, sbr. 4. lið 2. gr. rgj. ....			
5. .... kg skyr með 25% álagi eða minna, sbr. 4. lið 2. gr. rgj. 6. Mánaðarfæði selt samkvæmt meðfylgjandi ..... frumbókar- nótum, sbr. 5. lið 2. gr. rgj.*) .....			
Skattskyld sala .....		Kr.	

Það vottast, að tilkynning þessi er rétt í öllum atriðum.

.....  
(Staður og dagsetning).....  
(Undirskrift eiganda eða stjórnenda)

\*) Framangreindar undanþágur nr. 1, 2 og 6 eru því skilyrði bundnar, að með tilkynningu þessari fylgi frumbókarnótur yfir þær sölu, sem nefndar eru hér að framan undir þessum númerum, og að nótur þessar tilgreina þau atriði, sem fyrirskipuð eru undir A í 5. gr. reglugerðarinnar. Þá er það skilyrði fyrir öllum undanþágunum, að tilkynningu þessari fylgi afgreiðsluseðlar (kups) og aðrir slíkir seðlar, sem notaðir hafa verið við afgreiðsluna í manuðinum, sem tilkynningin tekur yfir.

## Fylgiskjal 4.

## Rekstrarreikningur fyrir tímabilið .....

Dags.	Kr.	au.	Dags.	Kr.	au.
Vörubirgðir í ársbyrjun .....			Seldar veitingar .....		
Keyptar vörur .....			Vörubirgðir í árslok .....		
Kaup .....			Leiga eftir herbergi og veitingas.		
Húsaleiga, ljós og hiti .....			Aðrar tekjur, hverjar? .....		
Vextir .....			Tap .....		
Skattar til ríkis og bæjar .....					
Annar rekstrarkostnaður .....					
Ágóði .....					
	Kr.			Kr.	

Það vottast, að rekstrarreikningur þessi er réttur í öllum atriðum.

.....  
(Staður og dagsetning).....  
(Undirskrift eiganda eða stjórnanda)